



UNIVERSITÄTS-
BIBLIOTHEK
PADERBORN

Universitätsbibliothek Paderborn

**M. Adami, Scriptoris Vetvsti, Historia Ecclesiastica,
Religionis Propagatae Gesta, Ex Hammabvrgensi
Potissimum Atque Bremensi Ecclesiis, Per Vicina
Septentrionis Regna**

Adamus <Bremensis>

Helmetadi[i], 1670

IV. Leonis Papae Rescriptum Ad Anscharivm Archiepiscopvm.

urn:nbn:de:hbz:466:1-11096

bus tutius muniamus. Et quia te charissime fili Anschari
 Divina clementia nova in sede primum disposuit esse Archi-
 episcopum, nosque pallium ad missarum solemnita celebranda
 tribuimus, quod tibi in diebus tuis, uti & Ecclesie tue per-
 petuo statu manentibus privilegiis uti largimur. Sancta Tri-
 nitas vitam tuam conservare dignetur incolumem, atque
 post seculi amaritudinem ad perpetuam perducatur beatitudi-
 nem; Amen.

IV.

LEONIS PAPÆ RESCRIPTUM AD
 ANSCHARIVM ARCHIEPIS-
 COPVM.

LEO Episcopus servus servorum Dei, beatissimo An- Apud Lind
debrog.
pag. 146.
 schario sanctæ Hammaburgensi Ecclesie Archiepi-
 scopo, eterne vite beatitudinem.

QUONIAM Apostolica dignitatis est, non solum Eccle-
 sias fundare, sed & ab aliis Eccl. siarum spiritualibus archite-
 ctis fundatas sublimare, dignum duximus, frater charissime,
 pro petitionis tue voto aures debite benignitatis tua inclina-
 re. Concedimus igitur sicut à prædecessore nostro beato Gre-
 gorio concessum est, scilicet ut gentes VVimodiorum,
 Nordalbingorum, Danorum, Norvvenorum, Suevo-
 rum vel quascunque septentrionalium nationum iugo fidei
 prædicatione tua subdideris, ad sedem Hammaburgensem spi-
 rituali dominatione possideas & omnibus successoribus tuis
 eandem sedem perpetuo possidendas relinquis. Decernimus

quo-

quoque tibi & omnibus successoribus tuis ad sedem Hammaburgensem, usum pallii in festis & temporibus, à prædecessore nostro tibi de nominatis, scilicet in Paschate, in Pentecoste, in Natale Domini, in Assumptione, in nativitate, in purificatione sanctæ Mariæ, in Natalitiis Apostolorum, & dominicis diebus, & omnibus festis, in diœcesi tua celebribus. Ornari quoque caput tuum mytra, portari ante te crucem. Age ergo frater beatissime opus bonum quod incepisti, nec desistas donec perficias. Funda in locis oportunis Ecclesias, consecra presbyteros, & determinatos terminos ordina Episcopos, quorum omnium tu Archiepiscopus existas: omnesque supradictarum nationum amplius profuturi Episcopi, cum subjectis sibi plebibus tibi & omnibus successoribus tuis ad sedem Hammaburgensem perpetua subjectione & obedientia subjecti permaneant. Præterea tibi & sanctæ Hammaburgensi Ecclesiæ, & omnibus successoribus tuis auctoritate Apostolica firmamus, quæcunque Ecclesiæ tuæ à Christicolis tradita sunt, vel amplius delegata fuerint in parochiis, in prædiis, in omnibus rebus mobilibus vel immobilibus, in mancipiis utriusque sexus; ut ea Ecclesia prædicta, in violabili potestate perpetuo possideat. Siquis autem contra hujus nostræ auctoritatis privilegium ire tentaverit, & quoquomodo in parte vel in toto frangere nisus fuerit, etiamsi sit Apostolicæ dignitatis persona, æterna excommunicatione cum Iuda traditore Domini pereat, nisi resipiscat, & Ecclesiæ Hammaburgensi satisfaciat. Data per manum Stephani Cancellarii sanctæ Romanæ Ecclesiæ mense Martio, Indictione XII.

NICO-